



N°910
Entrée le 20.6.2024
Chambre des Députés
Déclarée recevable
Président de la Chambre des Députés
(s.) Claude Wiseler
Luxembourg, le 21.06.2024

Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 20/06/2024

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un de Minister fir den Interieur weiderzeleeden.

Leider kënn et ëmmer nees vir, dass Hënn oder Kaatzen am Strosseverkéier ëmkommen. Obwuel dës Hausdéieren an der grousser Majoritéit - esou wéi d'Gesetz et virschréiwt - gechipt sinn, ginn d'Informatiounen vum Chip nom Accident vum Déier awer oft net ausgelies. Wann d'Besëtzer:inne den Accident also net selwer gesinn, gi si oft ni gewuer, wat mat hirem vermësst gemellten Déier geschidd ass.

Fir dat ze verhënneren schaffe verschidde Gemengen, wéi z. B. d'Gemeng Colmer-Bierg, mat Veterinär(inn)en zesummen, déi d'Chips ausliesen an d'Propriétaire kontaktéieren. Esou soll verhënnert ginn, dass veronglückten Hausdéieren ouni d'Wësse vun hire Besëtzer:innen irgendwou an engem Container landen an entsuergt ginn.

An deem Zesammenhang wéilt ech dem Minister dës Froe stellen:

1. Ass der Regierung déi genannte Problematik, déi och an engem [Wort-Artikel vum 28.05.2024](#) thematiséiert gouf, bekannt?
2. An der Äntwert op meng Fro 3013 sot déi deemoleg Regierung: "Et ass wichteg, datt méiglechst vill offiziell Stelle mat engem Chipliesegerät equipéiert sënn. Dat ass aktuell bei enger Partie Policekommissariater a Gemengen och well de Fall."
Wéi vill Policekommissariater a Gemengen hunn aktuell esou en Chipliesegerät?
3. Plangt d'Regierung, d'Gemengen ze encouragéieren, veronglückten Hausdéieren net ze entsuergen, ouni dass probéiert gouf, d'Propriétaires ze fannen?

Mat déiwem Respekt,



www.piraten.lu



GOERGEN Marc
Deputéierten

